


მამულო, სიცოცხლო!

(გალაკტიონისეპურად)



„სიცოცხლო, მამულო! მძაფრი, არაფარული, შვილთა შენთა ხმაალა თქვან შენი სიყვარული,“ სიცოცხლო, სამშობლო! კაცი, ქვეგამხედვარე ჩუმად ეპატრონება შენს ლამაზ არემარეს!.. აი, როგორ მოხდა ეს: კაბინეტში მჯდომარემ მინისტრმა, დირექტორმა, გამგემ თუ თავმჯდომარემ ბეჭდით მისცეს დასტური — „ველი, ახო, მიდამო, მავანს თუ მოესურვა, ჰქონდეს საკარმიდამოდ!“ ასე მოხდა ქალაქად, მთაში, ბარში, შინ, გარეთ!.. უმბრნი დაეპატრონენ ვენახს, ტყეს და მდინარეს!.. იყო დილა მშვიდობის, მაგრამ გაჩნდა ტკივილი, აღარ ისმის ფრინველთა სტვენა ჟივილ-ხივილი!.. ბეტონის გალავნები ვინ თქვან ხოდაბუნებად?

წალდით, შხამ-ქიმიკატით კლავენ დედაბუნებას!.. შემორაგვეს თავისად ხალხის ნახნავ-ნათესი, დაიჩემეს სოფლები სხვა კანონით, სხვა წესით! მინამცირე ქვეყანას აღარ დარჩა არც კალო, არც იმდენი — სტუმრისთვის რომ ნაბადი გაშალოს! ზვარში ჩასანგრებულან უთოფო ყაჩაღები, მიუსაკუთრებიათ ახო, იალალები!.. რაკი მძლავრობს ხალხის ხმა და თავდაცვის გენია, უძღებთ დღე დათვლილია, გამარჯვება ჩვენია!

ელგუჯა მირაბიზვილი



ფყი, ეშპაკს!

„უძრავობის დროიდან შემოგვრჩა, ყველაფერთან ერთად, მინისადმი წმინდა მუშტრული დამოკიდებულება. ზოგ-ზოგები არც კი უფიქრდებიან ასეთი მიდგომის შედეგებს. და აი, დღეს იმას ვიმკით, რაც დავთესეთ.“

გ ა ზ ა ე თ ა ბ ი დ ა ნ

უპატრონო ეკლესიას რომ ეშპაკე-ბი შეესივნენ, ეს ყველას კარგად მოგეხსენებათ.

ასე დამართა საქართველოსაც. „იყიდება საქართველო, მინდორ-ველით, მთა-გორით, ტყით, ვენახით, სათესილით!..“ — მოსთქვამდა ნიკო ლორთქიფანიძე 1910 წელს თავის „სამშობაო მინიატიურებში“.

გაყიდვა ეგრე არ უნდაო და, ათიოდე წლიწინადმი ვილაც ურჯულობებმა სულ ბითუმად ჩამოურთიგეს საქართველოს მინაწვალნი ჩრდილოელ თუ აღმოსავლელ მეზობლებს და მშვენიერი, ნაყოფიერი „ცაფირუხე, ხმელეთი-ზურმუხსი“ კუთხეებიც იმავე გზას გაუყენეს, რა გზითაც ჩვენი გული — ტაო-კლარჯეთი დაუტოვეთ საჯიჯგნად ჩვენს სამხრეთელ მეზობლებს!.. მერმე? „მერმე შინათ აიშალნენ“ და რომ გვეგონა, მორჩა, დავისვენეთო, იმ ურჯულთა კვალს სხვები, ახლა უკვე მინაური მტრები ჩაუდგნენ. დაიწყო ისევ ჩვენი მარჩენალი მიწების განთავება, ამჯერად უკვე ბითუმად კი აღარ, წვრილ-წვრილად!..

„იყიდება საქართველო!..“ დაახ, იყიდებოდა საქართველო, მისი მამული; იყიდებოდა როგორც ძველად, ისევე მერვეც, ჩვენს დროში!.. და, როგორც ნიკო ლორთქიფანიძე იტყოდა, —

ი ყ ი დ ე ბ ო დ ა: წვრილად და სოფლებად, აქაც და იქაც, ამერშიც და იმერშიც!..

ი რ ლ ვ ი ო დ ა: წესი და რიგი, მინის კანონმდებლობა და მინათსარგებლობის წესები, საპასპორტო რეჟიმი და ჩანერის წესები. ვინ მოსთვლის, სადა, რამდენჯერ, რა სახით, რა მიზნით?!

მ ი ნ ა უ რ ი გ ე ბ ო დ ა თ: ადგი-

ლობრივთ თუ არაადგილობრივთ, მეზობელი თუ შორეული რესპუბლიკებიდან ლტოლვილით, შემოპარულით, შემოლაქუცებულთ, შემოტმანსილით, ბოგანოთა თუ მდიდართ, მარტოხელათ თუ მრავალსულთ, პატიოსანთ თუ უპატიოსნოთ, ჩანერილით თუ ჩაუნერავთ!..

ა კ ა ნ ო ნ ე ბ დ ე ნ ე: უკანონობას და ზოგჯერ არც აკანონებდნენ, თვალს ხუჭავდნენ — შენც სუ და მეცო!

ა რ ლ ვ ე დ ე ნ ე წ ე ს ე ბ ს: ადგილობრივი, უპაცრული პასუხია, ხელმძღვანელები, სამეურნეო და სამართალმცავი ორგანოების მუშაკები, უპასუხისმგებლონი და უპრინციპონი, უსუფთაონი და უკონტროლონი!..

იყო ერთი ალბმიცემობა, განუკითხავი და განუსჯელი!..

რაკილა ყიდვა-გაყიდვა მიდიოდა, რაკილა დახლიდარობა იყო, მაშ, ჩვენში ახალი მალაზიები გაჩენილა, მინის სავაჭროები, მინის დუქნები!..

მერედა, დუქნებში ხომ წესად არის ხამუშ-ხამუშ აღწერონ ხოლმე შემოსავალ-გასავალი — რა გქონდა, და დაგრჩა, რა მოგე, რა ნააგე?!

ჰოდა, ამ დუქნებს ახლა შავი დღე დაუდგათ: აღშფოთდა საზოგადოება, ახმაურდა ერი!.. შეიქმნა რესპუბლიკური კომისია, რომელმაც საქვეყნოდ უნდა გამოიტანოს ამ დუქნების შავი საქმეები.

კომისიები შეიქმნა ადგილებზეც და ატყდა ერთი კორიანტელი: შედგა აქტები!..

გაპროტესტდა უკანონო დადგენილებები!..

ალიძრა სისხლის სამართლის საქმეები!.. მიწების წანალი დაუბრუნდა მათ კანონიერ მფლობელებს!

სამართალმა დაიწყო პურის ჭამა, მადა კი ჭამაში მოდის!.. და თუ ამ სახელგატყენილი, უნამუსო მევახშეების საპარპაშო დუქნებს სწართოდ დავხურავთ, ამას რაღა აჯობებს!

აბა, მართლაც, სადა აქვს საქართველოს მინა დასაკრავავი? საქართველოს, რომლის ტერიტორიის ორი მესამედი მთები და მთისწინეთია, რომლის თითოეულ მოსახ-

ლეზე 0,15 ჰექტარი სახნავი თუ მოდის და ამ მაჩვენებლით მე-14 ადგილი უკავია მოკავშირე რესპუბლიკებში.

ჩვენ ისედაც გავკლდებამიწები ეროზიის გამო, ზვავებისა და მეწყრების გამო, წყალდიდობის, წყალმეტობისა და წყალმცირობის გამო, ქალაქების უსაშველო გაზრდით მათ შემოგარენში არსებული მაღალნაყოფიერი ბალ-ბოსტან-ვენახების ხარჯზე და ახლა კიდევ უაზროდ ვარიგოთ ეს ოქროს ფასად ღირებული ავლა-დიდება?

მინის ყოველი გოჯის გამოყოფას აკანონებს (უნდა აკანონებდეს!) მხოლოდ უმაღლესი ინსტანცია — რესპუბლიკის მთავრობა! და იცით რატომ? იმიტომ, რომ მხოლოდ კანონიერი გზით, მხოლოდ გადაუდებელი და აუცილებელი საჭიროებისათვის უნდა გაიცეს მტკაველ-მტკაველ მობომილი მინა და გაიცეს იმ აზრით, რომ თუკი გაიმეტებ და გაიღებ ამ განძს, ისე უნდა გაიღო, რომ მან თავისზე უფრო ძვირად ღირებული ამონაგები მოგცეს ქვეყნისა და ერისთვის!

მინა, ჩვენი ეროვნული საუნჯე, ხელთ არ უნდა ჩავუვდეთ ვილაც მიტმოეთებს, ვისაც ქვეყანაც და ერიც, დიდი ილიას თქმით, „ფეხებზე ჰკიდია“, ვისაც ქვეყანა თავისი საკუთარი ძროხა ჰგონია, რამდენიც უნდა და როგორც უნდა, ისე რომ შეუძლია წველოს, წველოს თავისთვის და მხოლოდ თავისთვის, ხოლო როცა ამ ძროხას სიქას გააცლის, როცა იგი გაბერნდება და რძეს აღარ მისცემს, მერე იქნებ მიაკვას კიდევაც და ხორცად გაყიდოს ისევ თავისი ჯიბის გასასქელებლად!..

წულარ ვათქმევინებთ ქართველს გამწარებული ნიკო ლორთქიფანიძის სიტყვებს: „იყიდეთ ზარემ მთლად, განწენეთ და გაგლიჯეთ, რასაც საქართველო ერქვა და რაც დღეს ოხრადდარჩენილი აძლებს ყორნებს და გულს უკლავს უძღურ ჭირისუფალს!“

არ აისი საქართველო უპატრონო ეკლესია!

ფუი, ეშპაკს!..

გივი კატრიაშვილი



მეგობრული შარჟი მწერალ თენგიზ ბოლოლაძისა



„ნიანგის“ საღალბო მილოცვა შოთა ნიშნიანიძეს

თაყვანისცემით და მონინებით მსურს მოგილოცო სამოცი წელი! — შენ მზესთან ერთად ჩახვალ ყოველთვის და მზესთან ერთად ამობრწყინდები!..

გაქვს პოეზია მზიურ-ზევსური, მოშურნეებმა სისხლი გაგიშრეს, ავტორი „ხარის“, „ვეფხვის“, „ხევსურის“, შოთა ხარისხის ნიშნიანიძე!

კვლავ რედაქტორობ ახლა „საუნჯეს“, — დროთა დინებამ იწება ასე, — ქართველს კიდევ ერთ ლამპარს აუნთებ, თუკი აღმანახს ყურნალად აქცევ!

რახან მამულის მომავალშიც ხარ, გითხრა უღრმესი მადლობა, მინდა, და შენით პწკარით კითხვა დაგისვა: „ჰეი, ვინ მოდის მანდ მომავლიდან?“

„ნიანგის“ დავალებით — ზაურ ბოლქვაძე

მატარებლები და პოეტები

მატარებლები და პოეტები?!
საიდან სადო, იტყვიო, ღმერთმანი,
ბედის და გზების მაძიებლები
მაინც რალაციო ჰგვანან ერთმანეთს.
მათ ერთნაირად უყვართ ბუნება,
ლამეთა ტეხვა და ხეტიალი.
ერთადერთია მათი ცდუნება —
გზები და გზები ოხერტიალი.
უყვართ მგზავრების აყოლიება
და ოცნებები, მზით დამქარგავი.
უყვართ მგზავრების აყოლიება,
მაგრამ ნახევარს გზაში ჰკარგავენ.
იგვიანებენ მატარებლები,
უნიავებენ მგზავრებს ზმანებებს,
იგვიანებენ (კარგი როდია!..)
და პოეტებიც იგვიანებენ.
იგვიანებენ რიგიანები,
იგვიანებენ (კარგი როდია!..)
იგვიანებენ, იგვიანებენ
ანდა საოცრად ადრე მოდიან.
იმეორებენ დიდი ენებებით
ძველ გზებს, შეხვედრებს და განშორებებს,
იმეორებენ მატარებლები
და პოეტებიც იმეორებენ.
აქვთ მოლოდინი და იმედები
და მოლოდინში არ ესვენებათ.

მატარებლები და პოეტები
თავს როცა უნდათ, შეგახსენებენ.
მათ სიმყუდროვე ფეხქვეშ ეცლებათ
და სივრცეებთან უყვართ ჭიდილი
და უფარდებათ ფეხქვეშ რელსებად
მომავალი და ზოგჯერ... სიკვდილიც.
მაგრამ დიდების მოსახვეჭებლად
არც ნიჭი კმარა, არც თავდადება.
დიდება არის მატარებელი,
რომელსაც მუდამ აგვიანდება.
მატარებლები და პოეტები?!
ეს შედარება რით გავამართლოთ?
არის თავ-თავის შემოქმედებით
ზოგი სახალხო,
ზოგიც — საბარგო.
ზოგი დიდ გზებზე გადის გრიალით,
ზოგი ჩიხშია და ბუქსირს ელის,
ზოგმა მსოფლიო შემოიარა,
არც ავის არის, არც კარგის მოქმელი,
ჩიხი!.. (ო, ჩიხი საშინელია!)
შეჩერებანი და სადგურები
თუ მატარებლებს გზებზე შევლიან,
პოეტებს მხოლოდ ანადგურებენ.
ზოგი სინდისის წინაშე სცოდავს —

ბევრი უბია
და მიაქვს ცოტა...
ტყდება პწკარები, როგორც წვირები,
ტყდება, წვრილებს და ტკივილს ამხელს.
უმცირესობა ლექსს ეწირება,
უმრავლესობა — ხმაურს და სახელს.
გვიშველეთ! სენი უკურნებელი
არის დიდების აკვიატება.
დიდება არის მატარებელი,
რომელსაც მუდამ აგვიანდება.
სულო, ამივსე სხეულის თიხა,
ამივსე, ლეთიურ ცეცხლით ამივსე!
მგზავრები მიგყვავს ხილულის მიღმა
ზოგს ღმერთისაკენ,
ზოგს — ეშმაკისკენ.
მიყვარს გზები და მატარებლები
და პოეტებიც მიყვარს, ღმერთმანი,
ბედის და გზების მაძიებლები,
თურმე რაოდენ ჰგვანან ერთმანეთს!
მაგრამ დიდებას, როგორც შეჭურვის,
გვიან მოელის აკიანთება,
დიდება არის მატარებელი,
რომელსაც მუდამ აგვიანდება.

შოთა ნიშნიანიძე



შეკითხვები

ფელეტონი

ჩვენი საზოგადოება, როგორც ყოველი სხვა, მუდმივად განახლების პროცესშია და ეს განახლება ახალი თაობის მოსვლასა და ძველი თაობის აქტიური ცხოვრებიდან გასვლაში გამოიხატება. წლებთან ერთად ადამიანები იღლებიან, ბერდებათ და დამსახურებულ დასვენებას ითხოვენ — პენსიაზე გადაიან!..

გარდაქმნასთან დაკავშირებით დაიწყო ამ პროცესის ერთგვარი ესკალაცია, მაგრამ პრაქტიკამ გვიჩვენა, რომ საკითხისადმი ასეთი მიდგომა ძირშივე მცდარია, რადგან სულ სხვადასხვა რიტმით მუშაობს ცალკეულ ინდივიდთა „ბიოლოგიური საათი“, არიან ადამიანები, სამოცი წლის ასაკშიც რომ კუდი მოზვერს დაითრევენ, ხოლო ცხოვრებისეული გამოცდილებითა და განსწავლულობით კომპეტენტურ სპეციალისტებად ითვლებიან.

უფროსი თაობის პენსიაზე ხელაღებით გაშვება მიუღებელია ეკონომიკური თვალსაზრისითაც. სოციოლოგიაში არსებობს ცნება „მოსახლეობის საპენსიო დატვირთვა“; მისი ხელოვნური გაზრდა უარყოფით გავლენას ახდენს საზოგადოების განვითარებაზე.

ისე რომ, ეს პროცესი ობიექტური აუცილებლობიდან უნდა გამომდინარეობდეს და ყოველთვის გამორიცხული უნდა იყოს სუბიექტური ფაქტორი, და მაინც არსებობენ სუბიექტები, ვინც კვლავ თვითნებობს ამ საკითხის გადაჭრისას: ზოგს აიძულებენ, რომ პენსიაზე გავიდეს, ზოგი ისე გაჰყავთ, რომ არც ეუბნებიან, ხოლო ზოგს კი ისე უჭიანურებენ საბუთების გაფორმებას, რომ მთლად უკარგავენ „საპენსიო მადას“!..

დასამალი არ არის, რომ გარდაქმნის პერიოდშიც შემოგვრჩნენ მექოთნეები, რომლებიც გარკვეული გასამრჯელოს გარეშე არ ამზადებენ საბუთებს ან არ ღებულობენ, ეჭვი შეაქვთ მათ ვარგისიანობაში. ასეთ მექოთნეებს უნარი შესწევთ, საიდანაც უნდათ, იქიდან მოაბან ქოთანს ყური, ან სულაც უყუროდ დატოვონ!..

ჩვენს რედაქციაში ბევრი ასეთი საჩივარი მოდის. მოქალაქე პ. კ. ჩოლა, სოცურუნველყოფის განყოფილებაში 117 მანეთი პენსია დამინიშნა, ახლა კი შემომიქრესო. გამოირკვა, რომ მას პენსიის რაოდენობა განგებ არასწორად გაუანგარიშეს, გაუზარდეს, მაგრამ რაკი დაპირებული თანხა აღარ გადაუხადა, ისევე დაუკლეს, რაც კანონით ეკუთვნოდა, ის მისცეს.

მეორე შემთხვევაში ვ. ბ.-ს სოცურუნველყოფის განყოფილებაში წარდგენილ საბუთებს უწუნებდნენ, აქ ეს აკლია, იქ ის აკლიაო, უკიბავდნენ და მხოლოდ რედაქციის ჩარევის შემდეგ დაუნიშნეს პენსია.

ხშირ შემთხვევაში მოქალაქეები ვერ ერკვევიან თავიანთ უფლებებში, უმწეობას იჩენენ პენსიის დასანიშნავად საბუთების შეგროვებაში და ამიტომ იძულებული არიან გაიღონ ხარკი, ოღონდაც ასეთ განმანათს თავი დააღწიონ.

გამომდინარე აქედან „ნიანგის“ რედაქცია აპირებს კოოპერატიული მოძრაობის ბუში ერთი სიახლე შეიტანოს — გახსნას ფელეტონი კოოპერატივი პენსიაზე გამსვლელთათვის და დაარქვას მას „თხა და გიგო“.

ქვემოთ გთავაზობთ ორ მოსაზრებას ამ საკითხზე. თბილისელი ნიკოლოზ ბაქრაძე გვწერს:

„გთხოვთ გახსნათ კოოპერატივი საპენსიო ასაკს მიღწეული მამაკაცებისა და ქალებისათვის, რათა ისინი აბიტურიენტების მსგავსად მოემზადონ პენსიაზე გასვლისას საბუთების გაფორმების პერიოდისათვის!..“

ასეთი კოოპერატივი რომ ყოფილიყო, მოემზადებოდი აღნიშნული საბედისწერო პერიოდისათვის, დაეამყარებდი თბილ, პატივისცემაზე დამყარებულ ურთიერთობას ქ. თბილისის საბურთალოს რაიონის სოცურუნველყოფის ინსპექტორთან (სტილი დაცულია), ისიც ასევე თავაზიანად უპასუხებდა ჩემს თავგანწირვას, არ აღმომიჩენდა არასებულ შავ კატას ბნელ ოთახში და სადღეისოდ დადგენილი მექნებოდა სამუშაო სტაჟი არა 29 წლის ოდენობით, არამედ 37 წელი (მაგ. 1967 წ. 22 ივლისიდან 1967 წ. 28 დეკემბრამდე). სტაჟი არ ჩამეთვალა იმის გამო, რომ ტექსტი მხოლოდ ქართულია, რუსული თარგმნის გარეშე — აქ მიზეზი „ობიექტურია“ და „საფუძვლიანი“. დანარჩენი წლების გაუქმება შესაძლებელი ყოფილა მიზეზის გარეშეც, რასაც ვერ გააბათილებს ამაო ღალადი შრომის ნივთიერება ჩანაწერებისა ხელმოწერებით და ბეჭდებით. თუ ინსპექტორმა იცის „თავისი საქმე“ ზედმიწევნით კარგად, არ გეტყვის, რომ თუ სამხედრო სამსახური არ არის შეტანილი, საჭიროა სამხედრო კომისარიატიდან ცნობა.

ასევე დაპერიცხებოდა პენსიის თანხაზე დანამატი 10 პროცენტის ოდენობით 35 წელზე მეტი სამუშაო სტაჟის გამო და ჩემს ბოლო დღეებს, როგორც ვალმოხდილი ადამიანი, უშფოთველად გავატარებდი.

ახლა მე მხოლოდ ერთი ვინრო გზა დამიტოვებს სოცურუნველყოფის მესვეურებმა, ის დარჩენილი სიცოცხლე სიბერის პენსიაზე გასვლის შემდეგ ჩვილს მოვანდომო... თუ ამასობაში მიქელაბარიელი არ მომატოვებს!

ახლა თბილისელ ოთარ ფირცხალავას მოვუსმინოთ:

„დადგა ჩემი საპენსიო ორომტრიალიც, ჯერ სანამ საჭირო საბუთები მოვაგროვე, განვლო ორმა თვემ, ხოლო როცა საბუთები მივიტანე ორჯონიკიძის რაიონის სოცურუნველყოფის განყოფილებაში, მოვხვდი ჯერ ერთ მორიგესთან, რომელმაც თავისი შესწორებები შეიტანა საბუთებში, დაუმატა, გავანსორე და ხელახლა შევიტანე. ამჟამად კი მოვხვდი მეორე მორიგესთან, რომელმაც თავისი შესწორებები შეიტანა. გაბრაზებული შევედი განყოფილების გამგესთან, რომელმაც ეჭვის თვალთ შემომხედდა, რადგან უკვე აღუღებელი ვიყავი. ჩემი მდგომარეობის ახსნის შემდეგ აიხსნა (სტილი დაცულია), რომ თვითონ პენსიონერმა საბუთები არ უნდა შემოიტანოს, ამისთვის არსებობს ორგანიზაციის წარმომადგენელი, და დაურეკა ჩემს დირექტორს.“

სანამ ბრძანება დაინერა და წარმომადგენელი შეუდგა თავისი მოვალეობის შესრულებას, გავიდა ხანი, პენსია დამინიშნა ხუთი თვის შემდეგ. თანხმად უფლებისა შეუდგეტი ადგილობრივი მნიშვნელობის პენსიის დანიშვნასთან დაკავშირებით საბუთების შეგროვებას, პარტიული დახასიათების ცერემონიას მოუწინადა სამი თვე... პერსონალური პენსიის დანიშვნასთან დაკავშირებით დამჭირდა მოხუცებულობის პენსიიდან მოხსნა. მოხსნის დროიდან პენსიის მიღებამდე გავიდა სამი თვე... 1987 წლის აგვისტოდან 1988 წლის აგვისტომდე თვეში 130 მანეთი პენსია დაიკარგა, რაც შეადგენს 1300 მანეთს.“

რედაქციის სპან: კოოპერატივი „თხა და გიგოს“ შექმნასთან დაკავშირებით დაინტერესებულ პირებსა და ცალკეულ ორგანიზაციებს ვთხოვთ გამოგვიგზავნონ თანხმადი მოსაზრებები. კოოპერატივის გამაგროვა გარანტიას იძლევა, რომ ყოველი წარილი წაიქმნეული იქნება გიგოსათვის დამახასიათებელი თავის კანტურით!

ჩვენი დროის პარადოქსები მედროვე

მთელი მსოფლიო გასცქერის „ბურანს“, — რომ გადასურა ცათა ტატნობი, მე კი ეკრანთან პალტო მახურავს, — ვერ შეაკეთეს მილი გათბობის!..

ყურმილით გვიხმობს მკვიდრი რაკეტის! — ო, რას მოესწრო ჩვენი თაობა! თუმცა მეგობარს აქვე, ვაკეში, ვერ დავურევე საბურთალოდან!..

პროექტი ვნახე: სოფლის შენებად კოსმოსს გზავნიან ბეტონს და რკინას, მაგრამ მე მაინც არ მეშველება, — ოცი წლის შემდეგ მივიღებ ბინას!..

გადიკეტა არაგვ-ენგური, ეს ხეობებიც იქცევა ზღვებად, ჩემთან კი დილით მიღქვეშ შედგმული კასრი ბინდამდეც ვერ აივსება!..

სანპიგიენით (არ უნდა ფიცი!), ყველას ვჯობთ — ინგლისს, ჩილეს თუ ლიბანს, ოღონდ ეს არის: ზოგი თბილისში ტანს ისევ მცოცავ გრაფიკით იბანს!..

ავთანდილ ციგაძე

ამჟოლს აყვები და ჩაყვები, დროებას ვუკმევედი გუნდრუკს, საკუთარ „მეს“ არად ვაგდებდი, სხვის ხმაზე ვინყებდი ცუნდრუკს!..

და ასე ვიცხოვრე რა ხანი, ყველასგან ვმალავდი ეჭვებს!.. იმ უძრაობისას გავქვავდი და სულ ერთ ადგილზე ვერჭვე!..

დღეს ვერ გამოგია, რალა ექნა, ვგავარ დაყუდებულ მლოცველს!.. თუკი მხარს დავუჭერ გარდაქმნას, ტაშის გარანტიას მომცემთ?!

ბაბო ხვედელიძე

(საჩხერის რაიონი, სოფელი ბაჯითი).



გარდაქმნამ გამოგაცოცხლა!..

სამოცი წლისა რომ გავხდი, დადგა გარდაქმნის ეპოქა,

მეც გარდაქმნაში ჩავები, ვიბრძვი, რაც ძალა მეყოფა!.. წინათ სულ ხოტბას ვუძღვნიდი ჩვენს ცხოვრებას და ჩვენს ყოფას, მე რომ შარბათი მეგონა, თურმე მასმეფდნენ ლენციოფას!.. ახლა რის ხოტბა, რა ხოტბა?! — ვდგავარ სიმართლის წინაშე, ვნანობ, რაც ქება წარმოვთქვი, რაც ვიხოტბე და ვიტაშე! წარსულს — კრიტიკა! მშობლებსაც ზოგჯერ ვისხენებ აუგად: როცა სტალინის ბრძანებით კოლექტივობა დაუდგათ, არცკი დაფიქრდნენ, არტელში თურმე შეცვივდნენ პირველნი, შრომობდნენ, ხმას არ იღებდნენ, უსამართლობის მხილველნი! ნატრობდნენ საცოდავები პურსა და სიმინდს ხეაიანს, ისე წავიდნენ იმ ქვეყნად, ერთხელ არ გაუხარიათ!.. მეც გამანვალა მრუდე გზამ, მაგემა ტანჯვა-ჯახირი, ჯავრსა და ბოლმას ვმალავდი ზეიმით, „ვამას“ ძახილით!.. ახლა მეშველა! — გავიგა, როგორ ვიცხოვრო და რა ექნა! გარდაქმნამ გამომაცოცხლა, სულზე მომისწრო გარდაქმნამ!

ნოდარ ზამანაძე



ნ.ბ. მ. აბაშიძისა

— გამოჯამთრებით კი გამოვჯამთრეთ, მაგრამ ახლა ამათი ფეხზე წამოყენება არ გინდა?!

გარდაქმნა! გარდაქმნა!

ფაქტობი

დიდხანს ვფიქრობდი გარდაქმნასთან დაკავშირებით მუშაობაში სიახლის დანერგვაზე. ჩემთვის, როგორც ბუღალტრისათვის, ძნელი აღმოჩნდა ახალ რელსებზე გადასვლისათვის ფონის მოძებნა, მაგრამ ვინც ეძებს, ის პოულობს კიდევ: შაბათ დილას ლოგინში მწოლიარემ თავი მოვეყარე დიდი ხნის ნაფიქრ-ნააზრევს და გადავწყვიტე ყოველთვიური ბალანსი ერთი დღით ადრე ჩამებარებიანა და ამით ჩემი წვლილი შეემტანა საზოგადოებრივ საქმიანობაში.

მიღებული გადაწყვეტილებით - ფრთაშესხმული ლოგინიდან წამოვეარდი, პირი საჩქაროდ გავიპარსე, ზეზეურად წავიხემსე, ეზოში ჩავიბრუნე, საკუთარი „მოსკვირი“ ავამუშავე, ბერკეტი უკანა სიჩქარეში გადავრთე, საჭე საკმარისზე მეტად მოვლუნე, ადგილიდან მოვწყვიტე და რკინის ღრჭიალით ელდანაცემმა მარჯვენა ფეხის ტერფი მუხრუჭის სატერფალს ლურსმანივით მივაჭყდე. მანქანიდან გამოვეარდი. მივედი, ვნახე, მაგრამ, ვაი, იმ სანახავს! მანქანის მარჯვენა ფრთა გარაჟის ბოძზე უსარო ვაზივით იყო ჩახვეული. დამწუხრებული ჭირისუფალივით გულხელდაკრეფილი დიდხანს დავყურებდი შემწვარი ვაშლივით დაჭმუჭნილ ფრთას და პარკინსონის ჭირშეყრილივით თავს საცოდავად ექანქარებდი. სანამდის გონება საღად დაინყებდა აზროვნებას, კარგა ხანი გავიდა, ცნობიერება დაბრუნებულმა მანქანა ჩაქჩაქით იქვე ახლოს პროფილაქტიკაში მივაჩანჩალე და კითხვა-კითხვით მეთუნუქეს მივადექი.

- როგორ მოგნონს, ოსტატო?
- კარგია.
- ვისთვისაა კარგი?
- ჩემთვის.
- რამდენი დასჭირდება?
- ხუთასი...
- რას ამბობ, კაცო! ერთი ფრთის გამოცვლა — ხუთასი მანეთი?!. ღმერთი აღარა გნამთ?
- ფრთითა ფრინავს ფრინველი. თუ არ გინდა, იმავე კარებიდან გახვალ, რომლიდანაც შემოხვედი, კაციშვილი არ გატყვის, უკან რატომ გადიხარო.
- გამადლობთ რჩევისათვის. ერთი ესეც მიბრძანე, გაზეთებს თუ კითხულობ?

- როგორ არა...
- გარდაქმნის შესახებ თუ ნაგიკითხავს რამე?
- მაშ როგორ!
- მერე?
- ჩვენ რა გვაქვს გარდასაქმნელი, ალალი მარჯვენით ვმუშაობთ.
- ჩვენ — ნათხოვრით?
- მოკლედ, იცი, რა გითხრა! გინდა — დატოვე ეგ შენი დაჭმუჭნილი მანქანა და გინდა — ნაიღე. — ხელოსანი ისევ მწვანე „უიგულის“ მიუტრიალდა და ხარფუხელ მექისესავით დაუნყო ხეხვა. რაღას ვიზამდი? ჩემი დაკოჭლებული მანქანა ისევ ეზოში შევაგორე, სახლიდან საკოსტიუმე ნაჭერი გამოვიტანე და ნაცნობ მეკრავს მივადექი.
- გამარჯობა, ვასო!
- გაგიმარჯოს!..
- საკოსტიუმე მოვიტანე. შენ იცი ახლა და შენმა ოქროს ხელებმა!..
- ოქროს ჯიბის საქმე როგორ არის?
- ბევრი ვერაფერი... ისევ ას ოცი?
- არა, ახლა ას ორმოცი...
- რატომ, კაცო? გარდაქმნის შედეგად თქვენ სარჩულის ქვევით ამოყავით თავი? თვითდაფინანსებაზე არ გადასულხართ?
- მერე რაა, რომ გადავედით. ახლა გვჭირდება თქვენი მხარდაჭერა, თუ გვჭირდება! თოთო ბავშვს არტახის თასმებს რომ მოუშვებენ, ხომ იცი, აკვნიდან ამოფრენას ლამობს, ასეა ჩვენი საქმეც.
- საკოსტიუმე ნაჭერი ვასოს დავუტოვე და ბოღმით გულგასიებულმა სამკერვალს კარი გამოვიხურე. ქუჩაში ყავის საამო სურნელმა გამაბრუნა, იქვე ახლოს პატარა სკვერში შევედი და ახალშედებილ სკამზე ჩამოვეჯექი.
- „ყავა“, „ნაყინი“, „ნამცხვრები“ — ნაკვიკითხე აბრაზე და ცდუნებას ველარ გავუძეღე.
- ერთი ყავა და ორი ნამცხვარი.
- ახლავე, ჩემო ბატონო, აი, აქ დაბრძანდით! თავისუფლად, თავისუფლად, ზურგი მიაყრდენით, თითოეული სკამი საგულდაგულოდ მაქვს განმენდილი, ჩვენმა


კოოპერატივმა სანიმუშო მომსახურებით გაითქვა სახელი...
 სანდომიანი სახის ახალგაზრდამ მაგიდას სუფთა მუშაბმა გადააფარა და საამო ორთქლით თავმობმული ფინჯანი მაგიდაზე წარწარად შემოდგა.
 — ექვსი მანეთი და სამოცდაათი კაპიკი.
 — როგორ? როგორ? ექვსი მანეთი?..
 — და სამოცდაათი კაპიკი! — წამომეშველა იმპორტული ღიმილით სახეგაბრწყინებული ქალიშვილი და იმერული აქცენტით „დასურათხატებული“ სიტყვები სეტყვასავით დამაყარა.
 — რეიზა გეკვირვებათ, პატივცემულო! ეს ჩვენი კოოპერატივის მიერ დამტკიცებული ფასებია და ამფურად აწყობილი საქმე ნეტავი ყველა კოოპერატივს ჰქონდეს!..
 — რა ჰქვია თქვენს კოოპერატივს?
 — „ნიავი“!..
 — დიდება შენდა, ღმერთო! „ნიავის“ თუ ასეთი ზარალის მოყენება შეუძლია, წარმოდგენილი მაქვს „ქარიშხალი“ რაღას იზამდა.
 — „ქარიშხალი“ აგერ იმ კოოპერატივს ჰქვია, მწვადის სუნი რომ გამოდის, მაგრამ იმას ჩვენთან არავითარი კავშირი არა აქვს, მაგენი სხვა კოოპერატივის ეკუთვნიან. ჩვენი საოჯახოა და კოოპერატივების სამყაროში მარადიული მშვიდობა ღმერთმა შეგვადლებინოს.
 — ამინ! — ვუთხარი გულმხურვალედ და პირჯვარი გადავწერე!
 — ნურც ჩვენ გაგვწირავ, ღმერთო, ჩვენც გადაგვაფარე მფარველი კალთა!.. ნუ გაგვიქრობ ჯიბის ბარაქას, დაგვიცავი ასეთი კოოპერატივებისაგან!.. — შევლადადე მამაზეციერს და კარი გამოვიკეტე.
 იმ საღამოს დიდხანს ვფიქრობდი გარდაქმნის შესახებ და იმ დასკვნამდე მივედი, რომ ჩემი კატეგორიის ხალხს არაფერი აქვს გარდასაქმნელი, გარდაქმნა ეხება იმას, რომლებიც წინათ ხელებს სხვის ჯიბეში აფათურებდნენ და ახლა მომამტებული მადით მომართეს ყბები.

ვალერიან მამუკალაშვილი

პანუსის პანუსი

(ილიასეპურად)

ჩვენ, უფულონი,
 თქვენ, ფულიანთა,
 ბრიყვნი გგონივართ,
 რადგან ნაქურდალ-ნალღეტავის
 უქონონი ვართ!
 თქვენ ვლეთ რუსეთი,
 საფრანგეთი, შვეიცარია
 და ჩამოზიდეთ ძონძმანძები,
 რაც მთავარია!
 უცხო ავეჯით, ლარნაკებით
 გატენეთ ბინა,
 ქურდების შიშით გაცახცახებთ,
 ველარცა გძინავთ!
 ჩვენც ვვლეთ რუსეთი,
 იტალია, პორტუგალია!..
 თქვენებრ ფულები
 ნიფხვებში არ დაგვიმალა!
 (ვაი, სირცხვილო, თქვენგან
 ბევრი „ვითომ ქალია“!),
 ამის დანერა, სწორი გითხრათ,
 მიჭირს ძალიან,
 მაგრამ რას იზამ,
 ყველგან არის ანომალია!
 ჩვენ, უფულოთა,
 ღვთის ნყალობით,
 ჩვენი გვაქვს ბინა,
 კარებს არ ვკეტავთ,
 თუნდ არავინ არ იყოს შინა!
 არა გვაქვს თქვენებრ
 გადაკრული კარებზე რკინა,
 ღია კარებშიც უშფოთველად,
 უშიშრად გვძინავს!
 თქვენ ფულიანნი,
 დღენიდაც ვილატას ძარცვავთ,
 მერე ჩუმ-ჩუმად
 ბრილიანტებს ცერცვივით მარცვლავთ,
 მალავთ ჭურებში, სარდაფებში,
 ჭერში თუ სხვენში,
 ჩვენდა სირცხვილად,
 უამრავი მომრავლდით ჩვენში!
 ჩვენ, უფულოთა,
 სიყრმიდანვე გვასწავლეს შრომა,
 პატიოსნება, დისციპლინა,
 ჭამა-სმის ზომა,
 სულში შთაგებერეს
 უკეთესი მომავლის რწმენა,
 პატიოსნება, სიყვარული
 და ჭირთა თმენა,
 რისთვისაც ახლა
 უსინდისოდ დაგვცინით ჩვენა!
 თქვენ, ფულიანთა,
 უნამუსოდ წაიგდეთ ენა
 და ნამუსისკენ მოუწოდებთ
 უცოდველთ თქვენა!



ეროვნული
 ბიბლიოთეკა

ნ.ა. ნ. ასლამაზიშვილი

კომბინატორის მონოლოგი

(პაროდია)

„დედაო ღვთისავე, მზეო მარიამ,
 როგორც ნანვიმარ სილაში ვარდი“,
 კომბინატორის გზა სულ ცხადია —
 ფულის ხეჭვა და გროვება განძის.

შემოიღამებს მტკვრის ნაპირები
 და რესტორანში თუ დამათუნდა,
 „ლამენათევი და ნამთვრალევი“
 მეფურად მივალ ღამაზმანებთან.

„ლამენათევი და ნამთვრალევი
 მე მივეყრდნობი სალოცავ კარებს“,
 ქრთამით დავიცავ „ცებს“ და საქონელს,
 თან დავუბრძავებ რევიზორს თვალებს.

„და მაშინ ვიტყვი: აჰა, მოვედი“
 კაცი, გაუსილი ნანატრი განძით,
 შეხედეთ, დასტკბით კომბინატორის
 ოქროს ხელებით, მედიდურ სახით!

მეხედეთ, დასტკბით, ჩემი თვალები,
 ნინათ რომ კრთოდნენ ცრემლთა იებით,
 „ლევის“ და „პრაკის“ შეხმატკბილებით
 საესეა ახლა ფულისძიებით!


გასკდით! ასეა ყველას ცოლ-შვილი,
 ჩემს ძმაცაცებში ასეა ყველა?
 ვინც დამცინოდა, არ მკადრულობდა
 ფეხქვეშ მეგება, ვითა პეპელა!

„სად არის ჩემთვის სამაგიერო?“
 სად დავაგროვე ამდენი ფული?
 მე არ გეგონოთ ვინმე არიფი,
 „ასიანებით“ ვარ განათლული!

და თუ საქმოსნის მადლიან გზაზე
 „ობეხეესი“ მომეჩვენება,
 იქ, სასამართლო სხდომა-პროცესზე
 ჩემგან იქნება „მოძმეთ“ ხსენება.

გამიკერენ ხელებს და ციხისაკენ
 გამაქანებენ „ჩორნი ვორონით“,
 თან გავიყოლებ, ვინც კი გავავსე
 არმად ნამოვნი ფულით, ოქროთი!

„დედაო ღვთისავე, მზეო მარიამ,
 როგორც ნანვიმარ სილაში ვარდი“,
 კომბინატორის გზა სიზმარია
 და ახლობელი ციხე ლაყვარდი.




უსიტყვოდ

მადლობა უფალს! —
 მოგვევლინა განკითხვის ყამი! —
 ველარ ანათებს ძველებურად
 ჯოჯოხეთს ქრთამი,
 არ დაიბნევა უმიზეზოდ
 სამსალა-შხამი,
 არ ეღირსება დღეს უღირსებს
 „მალალი“ სკამი!

ნიკოლოზ იოსებიაძე

მერაბ თათელაძე



უსიტყვოდ

ბარათები „ნიანბს“. ანუ რატომ მოდის რედაქციაში წერილი?

სააიბისო მიზეზი მრავალია, მაგრამ მათ შორის ალბათ ყველაზე თვალშისაცემი მაინც ქართული ანდაზა — „სხვისი ჭირი — ლობჯის ჩხირი“ გახლავთ. პარტიულ, საბჭოთა თუ სამეურნეო აპარატში ჯერ კიდევ თბილად მოკალათებული ბევრი ბიუროკრატი გარდაქმნის ილუზიას ქმნის, თავად კი ჭუჭრუტანიდან გულგრილად აკვირდება საზოგადოებაში მიმდინარე პოზიტიურ

ძვრებს და საკუთარი შერყეული პოზიციების შენარჩუნებაზე უფრო ფიქრობს, ვიდრე საერთო საქმის წინსვლაზე. ამჟამად ჩვენში არსებობს როგორც ინდივიდუალური, ისე კოლექტიური გულგრილობის შემთხვევები, რომლის შედეგად ფეხებზე დაკიდებული თითოეული ადამიანის სანაცვლოდ გვრჩება მხოლოდ მისი საჩივარი, რისხვით საესე, ირონიანარევი, სასოებით დაწერილი და ხშირად ყოველგვარ იმედს მოკლებული. ერთ-ერთი მათგანია თბილისელი მოქალაქე **ლ. აგლაძე**, რომლის წინაშე თბილისის პირველი მაისის რაიადმასკომის აპარატში მოკალათებულ გულგრილ მუშაკებს ისეთი ბიუროკრატიული კედელი აღუმართავთ, რომ მას პროფესიონალი სპორტსმენიც ვერ გადაახტება. იმ მოტივით, რომ თითქოს დიღმის მასივის მე-6 კვარტალის 23-ე „ბ“ კორპუსში მდებარე მისი ბინის ფართობი არის 32,5 კვადრატული მეტრი, **ლ. აგლაძე** და მისი ოჯახის წევრები მოხსნეს ბინის მიღების აღრიცხვიდან, სადაც ისინი 1979 წლიდან იმყოფებოდნენ. ამასობაში დიღმის აშენებულ კოოპერატივში **ლ. აგლაძის**ათვის გამოყოფილი ბინა სხვა ოჯახს გადაეცა. განამებულმა ქალმა მრავალჯონი იჩივლა სხვადასხვა ინსტანციაში, შეიდგურ აზომეს მისი ბინა და შეიდგურვე სხვადასხვა ფართი მიიღეს, ხან სანიტარულ ნორმაზე მეტი, ხან — ნაკლები. ბოლოს ქალაქის ტექნიკური განყოფილებისა და საბინაო მეურნეობის სამმართველომ მართლაც საგულდაგულოდ გადაზომა აგლაძის ბინა და დაადგინა, რომ მისი ფართი არის 31,69 კვ. მ. ე. ი. სანიტარულ ნორმაზე ნაკლები. **ლ. აგლაძე** კვლავ აიყვანეს აღრიცხვაზე, მაგრამ არა 1979 წლიდან, როგორც უკანონოდ მოხსნილი, არამედ 1987 წლიდან, როცა საბოლოოდ დადგინდა, რომ მას ეკუთვნის გაფართოება. ახლა კი საჩივარს საჩივარზე წერს **ლ. აგლაძე**, სამართლის აღდგენას მოითხოვს, მაგრამ მისი ყოველი იერიში ბიუროკრატიულ კედელს ასკდება!..

უკვე მერამდენედ გვწერენ ხელფეხდაღწეული მოქალაქეები ქუჩების აუტანელ მდგომარეობაზე. ამჯერადაც მაგიდაზე გვიდევს ქუთაისელთა მიერ გამოგზავნილი პეტიცია, რომელსაც ხელს აწერს 54 ადამიანი. ესენი ძირითადად ქუთაისის ავტოქარხნის რაიონის მარჯვენა დასახლების მცხოვრებნი არიან. მათ ჯერ კიდევ გასული წლის ივლისში შესჩივლეს ქალაქის საბჭოს მესვეურებს ლუქსემბურგის ქუჩის არადაამკაყოფილე-


ბელი მდგომარეობის შესახებ, პასუხიც მალე მიიღეს, რომელსაც ხელს აწერდა ქუთაისის ავტოქარხნის რაიონის კეთილმოწყობის განყოფილების გამგის მოვალეობის შემსრულებელი **მ. შალამბერიძე**. იგი უგზოობით გატანჯულ ხალხს აუნყებდა, ლუქსემბურგის ქუჩას 1988 წლის მე-3 კვარტალის ბოლომდე კაპიტალური რემონტი უსიკვდილოდ ჩაუტარებდაო. უსიკვდილოდ კი ქუთაისელები მართლაც ვერ გადარჩნენ, რადგან თურმე საშინლად ანგრეულმა გზამ კაცის სიცოცხლე შეინირა ქუჩის ბედით კი შემდეგ აღარავინ დაინტერესებულა! ახლა კი გულგრილობის მსხვერპლნი კოლექტიურად იხვეწებიან, გზას თუ არ შეგვიკეთებთ, გულის დამამიძღველელი პასუხი მაინც მოგვწერეთ, რადგან კოლბოხებზე ბტუნვით გატანჯულ სულს კარგი სიტყვა მოედება სალბუნადო.

მართალია, პირველად მოგვმართეს საჩივრით დუშეთის რაიონის დასახლება ბიჩნიგაურების და სოფელ მიგრიაულების მცხოვრებლებმა, მაგრამ მათი ღალადისი უდავოდ ანგარიშგასანევია. 130-კომლიან ბიჩნიგაურების დასახლებას მხოლოდ ერთი ფარღალა მალაზია ემსახურება, არა აქვთ წყალი, გაზი!.. ერთადერთი წყარო კი წყურვილს ვერ უკლავს სოფლებს. „ნუთუ სირცხვილი არ არის? ყინვალპეი წყლით ამარაგებს თბილისს, დუშეთს და ჩვენ, გვერდში მყოფი ხალხი, საშინელ უწყლობას განვიცდით“, — გვწერენ ბიჩნიგაურელები და რედაქციაც საცებით იზიარებს მათ მოსაზრებას. მიგრიაულები კი უგზოობას, უსინათლობას, უტელევიზირობას, უკინობას და სოფლიდან ახალგაზრდობის განიზუნას ჩივიან. ვინ უნდა დაინტერესდეს ამ ორი სოფლის ბედით?

გვწერენ რესპუბლიკის გარედანაც ლიბეცკის სატრაქტორო ქარხნის საფინანსო განყოფილების გამგე **ნ. ტ. შატალოვი** მუხლზე დამოქილი გვეედრება შევაგონოთ საქართველოს სათბობის სახელმწიფო კომიტეტის ხელმძღვანელობას, რომ დროზე გადაუხადონ ტრაქტორმშენებლებს სამი ტრაქტორის საფასური, რომლებიც ჯერ კიდევ ნავთობპროდუქტების სახელმწიფო კომიტეტმა რეორგანიზაციამდე შეიძინა ნისიად. ნისია კი, როგორც იტყვიან, სხვისი ქონებაც არის და დარდიც, ამიტომაც გვთხოვენ შევლას ლიბეცკელები და ჩვენც ვთხოვთ სათბობის სახელმწიფო კომიტეტის ხელმძღვანელებს, ყურადღება მიაქციონ აღნიშნულ საკითხს!

აი, რატომ მოდის წერილები რედაქციაში და მათი რიცხვი ალბათ არც მომავალში შემცირდება, თუ ადგილზე დროულად და ხარისხიანად არ გადაიჭრება ის საკითხები, რომელთაც მხოლოდ ჩვენი გულგრილობა ან უგერგილობა წარმოქმნის ხოლმე.

ნანა ჯაჯანაშვილი



რა ჭკუით, რა ხერხით მუშაობს სახერხი?



ფელეტონი

სახერხი რომ ხერხთანაა დაკავშირებული, ხოლო ხერხი — მოხერხებულობასთან, ალბათ ეს ანდაზაც მოწმობს: ხერხი სჯობია ღონესა, თუ კაცი მოიგონებსა. პოდა, მოიგონა თუ არა, სინდის-ნამუსს, საღ აზრსა და ღონეს პირველ რიგში მოხერხებულობა დაუპირისპირა და თავი უხერხულად სრულიადაც არ უგრძნია თიანეთის რაიონის ორხევის მეცხოველეობის საბჭოთა შეურწმობასთან (დირექტორი ე. შიდელაური) არსებულ სამხერხაო სანარმოს ბრიგადის დავით ხუცურაულს, როდესაც სახელმწიფო მასალას თავისი სურვილისამებრ დაადო ფასი..

ბრიგადირმა და მისი ბრიგადის წევრებმა ჩემი ვინაობის ძირფესვიანად დადგენის შემდეგ, რაკი ჩემი გაჭირვების უტყუარობაში დარწმუნდნენ, „კარტი გამისხნეს“: საშიფრე ხის მასალას ხვალე დაგიშვადებთ, ოღონდ მეტრი „რეიკა“ 50 კაპიკი დაგიჯდებათ!

კუბური მეტრი რა დამიჯდება-მეთქი, რომ ვკითხე, ქვა ააგდეს და თავი შეუშვირეს: ჩვენ მასალას კუბურ მეტრობით არც ვზომავთ და არც გაგვიზომია! თუ ნაღდი მყიდველი ხარ, მეტრობით მოგართმევთ!

„რეიკასთან“ ერთად თუნუქის გადასახურავად თხელი, დაახლოებით 2 სმ სისქის მესამე ხარისხის ფიცარიც მჭირდებოდა, ამიტომ მისი ფასითაც დავინტერესდი.

ჯერ იუარა ხელმძღვანელმა. საერთოდ,

ასე სიფრიფანად არ ვხერხავთ და შენ როგორ დაგიხერხოთო, მაგრამ, ეტყობა, შემდეგ ჭკუაში დაუჯდა ჩემი ნათქვამი (ალბათ გაიფიქრა, ასე უფრო მეტი მოგება დამრჩება) და თამამად განმიცხადა გულში ნადები:

— 20 სანტიმეტრი სიგანისა და ორი სანტიმეტრი სისქის მეტრი ფიცარი მანეთი ღირს, დასახერხად თუმცა სანვალე-ბელია, ვეცდები, როგორც ჩვენებურს, რაიმე გაგიხერხო! — თავისივე სურვილის დასაკმაყოფილებლად აღმითქვა დახმარება მოხერხებულმა მხერხავმა.

წარმოების უფროსი მოვივითხე. გამინანწყენდა, შევატყვე, არ ეპიტნავა მისი სხენება.

— ზა, რა აზრი აქვს უფროსის ნახვას? ამაზე ნაკლებად ასეთ მასალას არც ზურაბ ნადირაშვილი მოგცემთ! — მთლად გადამინურა იმედი სანარმოს თვითმმართველმა ბრიგადირმა.

კი, მაგრამ მაინც როგორ, რა ფასად ყიდიან კერძო პირებზე ზემოაღნიშნული სახერხის ხელმძღვანელები ერთ კუბურ მეტრ წიფლის ხის მესამე ხარისხის მასალას?

საშიფრე „რეიკაში“, რომლის სიგანე ათი, ხოლო სისქე საშუალოდ სამ სანტიმეტრამდეა (შეუძლებელია ზუსტად გაზომო უსტანდარტოდ და უხარისხოდ დახერხილი მასალა), კუბურ მეტრში 330 მეტრი უნდა ჩაეთიოს, თუმცა ისინი 4 სმ სისქისას ანგარიშობენ და 330-ის ნაცვლად 250 მ გაძლევენ, რაშიც აუღელვებ-

ლად აგაფცქენიან 125 მანეთს!.. იმ შემთხვევაში კი, როცა თუნუქის გადასახურად ფიცარი გჭირდება, კუბურ მეტრში 250 მანეთს ისე დაურიდებლად აგნაპნიან, როგორც გასტრონომის მოლარეები 5-კაპიკიანზე დაბალი ნიშნით გამოხატული უკვე არარსებული თუ საღლაც გადამალული ფულის ერთეულებს!..

რას იტყვიო, მკითხველო, ჭამის როგორი მადა ჰქონიათ ზემოაღნიშნული სახერხი ქარხნის ხელმძღვანელებს?!

— ჭამის მადაც კარგი ჰქონიათ და მონელებისაცო, — იტყვიო თქვენ და არც შეცდებით, რადგან ეს პროცესი ხომ წლობით მიმდინარეობს, გამკითხავი კი დღემდე არავინ ჩანს!..

რამდენიმე დღის შემდეგ გავარკვიეთ, რომ ზემოდასახელებული სახერხი ამავე ტერიტორიაზე შემოზიდული მორებით თურმე არც კოოპერატორებისაა, არც ცეკავშირისა და, მით უმეტეს, არც საკუთარი დუქანი — იგი ორხევის მეცხოველეობის საბჭოთა შეურწმობის კუთვნილებაა, მაგრამ მოგიკვდეთ მეტრი, მენველ ძროხასავით კი წველიან მოხერხებული მხერხავები იქით — სახელმწიფოს და აქეთ — კარზე მომდგარ გაჭირვებულთ. ასე უცევიათ პირადი გამდიდრების წყაროდ სახალხო დოვლათი!

ასეთი „მოხერხებულობა“ ხომ არ ნიშნავს პატროსანი მშრომელი ადამიანების ხერხემლის გადამსხვრევას?

ფრიდონ სომხიშვილი

იუგოსლავიურ ჟურნალ „პავლიხას“ მიხედვით



178
31.11.89

უსიტყვოდ

ნახ. ჯ. ლოლუასი

მეცნიერული მრეწველური

იუმორისკა

ჯიჯის

სათამაშოების სამეცნიერო-საწარმოო კომბინატის სამეცნიერო საბჭოს მორიგ სხდომაზე, ჭიპია ჭიპაძის საკვლევი პრობლემის განხილვისას გაირკვა, რომ აჯიკას სამკურნალო თვისებები ჭიპონა და სერიოზული კვლევის ობიექტი ყოფილა. ამან კომბინატის ახალი დირექტორის იოთამ ვალერიანოვიჩის დაინტერესება გამოიწვია. მართალია, იგი დაქვეითებული აზროვნებით ხასიათდებოდა, მაგრამ ამჯერად მალე გამოფხიზლდა:

— სად აჯიკა და სად სათამაშოები! — შეუწყრა ვალერიანოვიჩი ჭიპაძეს.

— რატომ, ბატონო, მე აქ სპეციალობით ვმუშაობ! — სცადა თავის მართლებას ჭიპაძე.

— რა სპეციალობით? — ჰკითხა იოთამმა და თან თავისი საკმაოდ მოზრდილი თავი, როგორც იქნა, აამოძრავა, რაც დიდ ჯაფად დაუჯდა.

— მე სპეციალობით ექიმ-პედიატრი ვარ, სათამაშოებიც ზომ ბავშვებისათვის გვინდა! მეც ბავშვთა კვების სრულყოფის მეთოდებზე ვმუშაობ, ამჯერად აჯიკის ზოგიერთ სამკურნალო თვისებას ვიკვლევ!

— მაინც რა დაადგინე?

— ჯერჯერობით ის, რომ, განსაზღვრული დოზით აჯიკა სასარგებლოა, ხელს უწყობს სისხლის მიმოქცევას და მადას უძლიერებს ადამიანს!

— რატომ ზოგიერთის?! აჯიკის ყველა სამკურნალო თვისების შესწავლა არ შეიძლება?! — აღადგინა აჯიკის მიმართ თავისი დაინტერესება ვალერიანოვიჩმა.

— ეს უკვე სადოქტორო თემაა, რასაც ჯერჯერობით ვერ დავძლევ! — განმარტა ჭიპაძე.

— კი, მაგრამ აქ, ჩვენთან, როგორ მოხედი?

— რაიონში არ მინდოდა განანილებით

ნასვლა! აქ ერთმა ჩემმა ნათესავმა მომიყვანა და დავინყე მუშაობა სპეციალობით!

— ექიმს აქ რა უნდა? — უყვირა ვალერიანოვიჩმა.

ბოლოსდაბოლოს იგი დარწმუნდა, რომ ჭიპია მართლაც ზედმეტი ბარგი იყო კომბინატისთვის.

— სულ დამავინყდა მეთქვა, რომ პარალელურად შობადობის საკითხებზეც ვმუშაობ! — დაუმატა მანვე.

— ეს კი პატრიოტული საქმეა! — მიუწონა იოთამმა. ოდნავი პაუზის შემდეგ, როგორც იქნა, ფეხზე წამოდგა და შეუყვირა ჭიპიას:

— ჩვენს კომბინატთან შობადობას მაინც რა კავშირი აქვს?

— პირდაპირი! — მიუგო ახლა უკვე ოდნავ ფერმოსულმა ჭიპიამ და ცადა უკანასკნელი გაბრძოლება ადგილის შენარჩუნებისათვის კომბინატში.

— ამიხსენი, როგორი? — შეეკითხა უკვე მაგიდაზე ნახევრად წამოწოლილი ვალერიანოვიჩი.

— ახლა ვაპირებ პრაქტიკული რეკომენდაციების დამუშავებას რესპუბლიკაში შობადობის გაზრდის მიზნით. ამ მხრივ სასარგებლო იქნება საქმიანი კონტაქტები ყორდანას სახელობის ინსტიტუტთან, მიმართვა დამჭირდება კომბინატიდან. რაც მეტი ბავშვი დაიბადება, მით უკეთესი არ არის კომბინატისათვის? პროდუქცია ხომ უფრო გასაღდება! — დაასკვნა ჭიპიამ, უკვე მტკიცედ დარწმუნებულმა, რომ ადგილი შეინარჩუნა კომბინატში.

— თუ მართლაც ასეა, აჯიკას მოეშვი და შობადობაზე იმუშავე! — არგუმენტი სარწმუნოდ მიიჩნია და ურჩია ვალერიანოვიჩმა.

ალექსანდრე მუჯირი



საბინძო და იუმორისკა
 შუაწელი — იუმორისკა
 № 6 (1784) მარტი
 გამომდის 1923 წლის ივნისიდან.

მთავარი რედაქტორი
 ზაურ ბოლქვაძე

სარედაქციო კოლეგია:

ავთანდილ ბღვიშვილი
 (პასუხისმგებელი მდივანი),
 ვახუა ამირჯიანი, ნოზაძე
 ბარათია, ბორის გურგუ-
 ლია, რევაზ თვარაძე, ჭე-
 მალ ლოლუა, ნოდარ მა-
 ლაშვილი (მხატვარ-რედაქ-
 ტორი), ალექსანდრე სამ-
 ხონია, ბევან სიხარულიძე
 (მთავარი რედაქტორის მო-
 ადგილე), ჯანსუღ ჩაჩკია-
 ნი, თამაზ წიგწივაძე, ნა-
 ფი ჭუსიითი.

ტექნიკური რედაქტორი
 ირაკლი დუნდუა


გადამცა ასაწყობად
 20.02.89 წ. ხელმოწერი-
 ლია დასაბუქდალ 17.03.
 89 წ. ქალაქის ზომა
 60x90/8, ფორმული ნაბე-
 ქლი ფურცელი 1.5. სად-
 რიტვო-საგამომცემლო თა-
 ბაში 1.9. საქართველოს კ-
 ცკ-ის გამოცემლო ბა,
 ლენინის 14. შეკვ. № 411.
 უე 04640. ტირაჟი 129 000.
 მუშაობს გამომდის თვეში
 ორჯერ. რედაქციაში შემო-
 სული მასალები ავტორებს
 არ უბრუნდებათ.

ჩვენი მისამართი: 880008.
 თბილისი-8, რუსთაველის
 პროსპექტი № 42.

ტელეფონები: მთავარი
 რედაქტორის — 99-55-54,
 მო. რედ. მოადგილის —
 93-19-42, პ/მგ მდივნის —
 93-10-78, მხატვარ-რედაქ-
 ტორის — 99-02-38, გან-
 ყოფილებათა გამგეების —
 93-49-32, რედაქტორ-ლიტ-
 მუშაების — 99-02-38,
 მდბვან-მემა ნქანის —
 99-76-69.

Сатирико - юмористиче-
 ский журнал «НИАН-
 ГИ» (На грузинском
 языке). Тбилиси, пр. Ру-
 ставели № 42. Издаватель-
 ство ЦК КП Грузии,
 Ордена Трудового Крас-
 ного Знамени типогра-
 фия издательства ЦК
 КП Грузии, Тбилиси,
 улица Ленина № 14.

უბი 20 კპ.
 ინდექსი 76137



უსიტყვოდ

ნახ. რ. კამბარიაშვილისა